



Na osnovu člana 69. stav 3. i 70. st. 1. 4. i 6. Zakona o javnim nabavkama („Službeni glasnik BiH“, broj 39/14, 59/22), u otvorenom postupku za izvođenje radova na prokresu na lokalnim i nekategorisanim putevima na području Grada Zenica, Gradonačelnik donosi:

**ODLUKU**  
**o poništenju postupka javne nabavke**

**Član 1.**

Poništava se otvoreni postupak za izvođenje radova na prokresu na lokalnim i nekategorisanim putevima na području Grada Zenica, zbog povrede postupka prilikom otvaranja ponuda,, a u skladu sa članom 69. stav 3. Zakona o javnim nabavkama.

**Član 2.**

Za izvršenje ove odluke zadužuje se i ovlašćuje Služba kabineta Gradonačelnika.

**Član 3.**

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja.

**OBRAZLOŽENJE**

Postupak javne nabavke pokrenut je Odlukom o pokretanju postupka javne nabavke broj: 02-11-6162/23 od 23.03.2023. godine. Obavještenje o nabavci broj: 1355-1-3-57-3-49/23 objavljeno je na Portalu javnih nabavki dana 29.03.2023. godine i u Službenom glasniku broj: 24/23 od 07.04.2023. godine.

Procijenjena vrijednost za predmetnu nabavku iznosila je 84.994,00 KM bez PDV-a.

U krajnjem roku za dostavu ponuda, Ugovorni organ zaprimio je 6 ponuda.

Komisiji za javne nabavke predano je pet ponuda, dana 11.05.2023. godine do 10:00 sati, kako slijedi:

- „HORTICAL“ d.o.o. Konjic
- „EKOS-STEP“ d.o.o. Zavidovići
- „KOMGRAD-ZE“ d.o.o. Zenica
- „ALBA ZENICA“ d.o.o. Zenica
- „ALMY“ d.o.o. Zenica

Na javnom otvaranju ponuda koje je bilo zakazano za 11.05.2023. godine u 11:00 sati, pročitana su imena gore navedenih ponuđača i njihove cijene ponuda, koje je Komisija blagovremeno zaprimila.

Nakon što je Komisija izvršila otvaranje ponuda i nakon toga pristupila zatvorenom sastanku, sekretarica Službe kabineta je nazvala i javila da je pronašla još jednu ponudu ponuđača „BRKOVIĆ SM“ d.o.o. Zavidovići koja je bila također blagovremena, ali ista nije otvorena u vrijeme i mjesto koje je bilo predviđeno za javno otvaranje ponuda.



BOSNA I HERCEGOVINA  
FEDERACIJA BOSNE I HERCEGOVINE

**GRAD ZENICA**

Zapisnik sa otvaranja ponuda je poslan samo ponuđačima čija je ponuda otvorena i pročitana cijena, a u skladu sa članom 63. Zakona o javnim nabavkama.

S obzirom da se desio tehnički propust, koji je bio izvan ovlasti Komisije za javne nabavke, Komisija za javne nabavke sačinila je Zapisnik broj: 11-11-6162-9/23 od 11.05.2023. godine kojim je dala preporuku Ugovornom organu za poništenje postupka, a u skladu sa članom 69. stav 3. Zakona o javnim nabavkama.

S obzirom na navedeno, Ugovorni organ poništava postupak javne nabavke u skladu sa članom 69. stav 3. Zakona o javnim nabavkama.

**POUKA O PRAVNOM LIJEKU**

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-6162-2/23

Datum: 14.05.2023. godine

**DOSTAVLJENO :**

- 5 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a



**GRADONAČELNIK:**

Fuad Kasumović